



PABLO S. QUIZA

MUSIKA. Trikitixa doinuek uneoro alaitu zituzten ibiltarien animoak.



PABLO S. QUIZA

IBILBIDEA. Lagun ugari heldu zioten erronkari eta oinez egin zituzten zortzi kilometroak.



PABLO S. QUIZA

EGUNKARIA. EGUNKARIA-k ere parte hartu zuen ikastolen aldeko jaietan.

25 urteko lanaren eta ahaleginaren ostean, soka ez da eten

Omenaldi hunkigarria eskaini zieten 25 urteotan lanean aritu diren lagunei eta ikastolei

Nagore Etxeberria | BEASAIN

Frankismo garaian Kilometroak jaiaren abiapuntu izan zen herrian ospatu nahi izan zituen ikastolen jaiak herenegun bere zilarrezko ezteiak. Ikastolen eta euskararen aldeko jaiak 25 urte betetzen dituen honetan, aipamen berezia egin zitzaien duela 25 urte proiektua errealitate bihurtzeko lanean jardun zuten 9 bikoteei.

Irekiera ofizialean beren lana goraiatu eta eskertzeko omenaldi txiki bat jaso zuten arren, eguerdiko 12:00etan omenaldi hunkigarria jaso zuten Josu Erquinez, Kilometroen ideia Kaliforniatik ekarri zuen beasaindarrak, eta duela 25 urte Kilometroak antolatzen gogor lanean aritu ziren 9 bikoteek.

Tomas Agirre eta Errose Elkoroberezibar, Jon Elortza eta Karmen Txintxurreta, Manolo Dorronsoro eta Maria Begoña Urteaga, Patxi Lasa eta Josefa Altuna, Joxe Agirre eta Bibiana Dorronsoro, Juan Agirre eta Juanita Barandiaran, Roberto Begue eta Begoña Aliende, Luciano Ormazabal eta Lucia Insausti eta Joxe Izaguirre eta Dolores Berasategi izan ziren jendeen txaloen artean omenaldia jaso zuten senar-emazteak.

Bikote horiekin batera, 25 urte horietan Kilometroak jaia antolatzeko ardura hartu duten ikastoletako ordezkariak omenatu zituzten. Guztiek 25 urteotako Kilometroetako irudiaz osatutako oroigarri bat jaso zuten Antonio Campos Ikastolen Elkarteko presidente eta Paulo Agirrerren eskutik.

Dantzariak omendutako guztiei agurra dantzatu ostean, Ma-

ria Luisa Mujika eta Aitor Zubizarreta Urretxu-Zumarragako Lurdesko Ama ikastolako lehendakari eta zuzendariak, hurrenez hurren, Andramendi Ikastolako ordezkari Jose Ra-

mon Anuntzibai eta Tere Iras-torzaren eskutik datorren urteko Kilometroak antolatzeko lekukoa jaso zuten.

Ikastolako lehendakaria «arduratsu eta beldurtua, baina

itxaropentsu» zegoela adierazi zuen. Baina guztien artean «erronkari arrakastaz» erantzuteko itxaropena agertu zuen, guztiei datorren urterako gonbidapena egin zelarik.

OMENALDIA

«Aurrera jarraitzeko indarra ematen du»

Jose Izagirik jaso zuen herenegun, beste zortzi bikoterekin batera, duela 25 urte egindako ahalegin eta lanaren ordaina eta merezitako omenaldia. Frankismo garaian egoera desberdinak izan arren, ametsa egia bihurtzea lortu zuten eta lana gogor egin arren, «egindakoarekin oso gustura eta pozik» zegoela aitortu zion, hunkituta.

Omenaldia jasotzean «jendeak egindako lana aintzat hartzen dela ikusten da eta poz handiz hartzen duzu. Horrek, gainera, aurrera jarraitzeko indarra eta animoak ematen dizkizu».

Harrezkeroztik gauzak «hobetuz doaz poliki-poliki, gure hizkuntza indarra hartzen ari da, ez nahiko genukeen neurrian, baina, ahalegina egiten dugu eta bide horretan jarraitzeko asmoa eta gogoia dugu», aitortu zigun Izagirik. Dena den, «inork ezer inposatu gabe, gauzak gure eskuetan izateko garaia» helduko dela zioen itxaropentsu Izagirik.



Norbega S.A-k, Coca Colaren iparralderako kontzesionarioak, **Kilometroak 01en** antolaketan lagundu du aurten ere. Hala, Norbegak herri honetako kultur ekimen garrantzitsuenetan parte hartzen du.

ZOZKETAK

Autoa: Mazda primacy

Zenbaki saritua: 04862

2 lagunentzako asteburua

Zenbaki saritua: 47165

Afariak Argiñan

Zenbaki sarituak: 13602, 10356 eta 69275

Orbea bizikleta eta Euskaltel maillota

Zenbaki saritua: 17282

Asteburu-pasak

Zenbaki sarituak: 76870, 03104, 58741, 38681, 58925, 11738, 78925, 30582, 25220, 17337 eta 45132.